

**ENPRESAK.** Inbertsioaren proiektu berriak kokapen alternatiborik baduen zehaztu nahi du Bruselak

Erredakzioa | **IRUÑEA**

Volkswagenek Iruñean duen lantegiari Espainiak emandako 61 milio euroko diru laguntza bidezkoa den aztertuko du Europako Batzordeak. Laguntza Polo berriaren beste eredu bat egiteko litzateke, eta Bruselak zehaztu nahi du Europako Bata-suneko araudia betetzen duen. Madrilek hilabeteko epea du erantzuteko.

Brusela ikertzen ari den diru laguntza EBko ingurumen arauetara egokituko liratekeen Polo eredu berri baten motorrak egiteko da. Orotara, proiektuak 335 milioi euroko inbertsioa du. Fabrikazioa Volkswageneko Iruñeko eta Bratislavako (Eslovakia) lantegietan egingen litzateke.

Diru laguntzak baimendu aurretik, Europako Batzordeak zehaztu behar du inbertsio proiektuak baduela Iruñean ez den beste kokapen alternatiborik. Volkswageningen arabera, Bratislavako lantegia da proiektuaren

# Volkswageni emandako diru laguntzak ikertuko ditu Europako Batzordeak

Iruñeko lantegiari Polo berria egiteko emaniko 61 milioi euroez ari da

kokapen alternatiboa. Diru laguntza eskatzerakoan Espainiak argudiatu du inbertsioek kostuekiko Iruñean %18,20ko desabantaila dutela, eta horrek argudiatzen duela proiektuak %18,45eko finantzazioa lortzea.

EBko irizpideen arabera, Iruñeak eskualdeek jasotzen dituzten diru laguntzak har ditzake 2000-2006ko denbora tartean. Proposatzen den proiektuak, gehienez, %20ko finantzazioa lortuko luke.

Enpresaren proiektuak 335 milioi euroko inbertsioa aurreikusuten du. Dirutza hori prentsa

**JOSE ZUBILLAGA**

Komunikazio arduraduna

«Batzordeak egiten duen ohiko prozedura da. Laguntza eskaera enpresak dioenarekin bat datorren ziurtatzen du»

tailer berri bat egiteko erabiliko litzateke, non auto berriaren aldeak, hegalkak eta sabaia egingen liratekeen. Halaber, karrozeriak egiteko bigarren produkzio lerro bat irekiko litzateke,

eta pintura eta doitze tailer berri bana bigarren muntaia katean.

Dena dela, Bruselak zalan-tzan jarri du Bratislava Iruñeko lantegiaren alternatiba izateko aintzat hartu denik. Europako Batzordeak ez du argi «Bratislavak aukera irekia izaten jarraitzen zuenik, proiektua Iruñean kokatzeko erabakia hartu zenean». Erabakia 2000. urteko azaroan hartu bazen ere, 1999ko irailean Volkswagenek beste proiektu baterako hautatu zuela Bratislava gogoratu du Batzordeak. Orduan, SUV Tua-

reg ereduaren produkzioa Bratislavan egitea zehaztu zuen.

Bruselak dio kostua-etekina ikerketak ez duela «argi ezartzen Iruñeak Bratislavarekiko izan ditzakeen kostu desabantailak». Batzordeak gogoratu du martxoan autogintzaren sektorean laguntzak lortzeko irizpide berriak ezarri zituela EBk, baina 2003ko ilbeltzaren 1a arte ez direla indarrean sartuko.

Volkswagenek garrantzia kendu dio Europako Batzordeak irekitako ikerketari, eta «ohiko prozedura» dela esan du. «Europako Batzordeak egiten duen ohiko prozedura da. Diru laguntzarako eskaera enpresak dioenarekin bat datorren ziurtatzen du, eta ondoren diru laguntza ematen zaio», esan du Jose Zubillaga Iruñeko Volkswageneko Komunikazio arduradunak. Alabaina, Nafarroako Gobernuak Bruselaren adierazpen ofizialik jaso ez duela argudiatuta, ez du adierazpenik egin nahi izan.

**BBV-REN AUZIA.** Hiru urtez izan ziren kontseilari

## Gurpide, Eulate eta Saenz Azcunaga BBVko kontseilari ohiak inputatu ditu Garzonek

Erredakzioa | **DONOSTIA**

1996tik 1998ra bitartean BBVko kontseilari izan ziren Jose Javier Gurpide, Vicente Eulate eta Jose Antonio Saenz Azcunaga inputatu zituen Baltasar Garzon Espainiako Auzitegi Nazonaleko epaileak atzo, BBVko ogasunari jakinarazi gabe paradisu fiskaletan zituen kontu ezkutuen afera dela eta. Hiru kontseilari ohiak gaur deklaratu behar zuten lekuko gisa, baina Garzonek deialdia atzera bota eta inputatzea erabaki zuen.

Garzonek iragan apirilaren 25ean kaleratutako autoan zion Emilio Ibarra BBVAko presidenteari gain inputatu egiten zituela 1996tik 1999 bitartean urteko kontuak sinatu zituzten BBVko administrazio kontseiluko kideak, kontabilitatearen itxuraldatzearen berri ez zekiten administrariak salbu. Kontu horiek sinatu zituzten administrazio kontseiluko kideen zerrenda atzo igorri zion epaileari finantza erakundeak, eta han Gurpide, Eulate eta Saenz Azcunaga agertzen direnez, inputatu egin ditu Garzonek.

Zerrenda horretako kontseilariari Jerseyko ezkutuko kontuetan Amelan Fundazioaren bidez egindako eragiketetan parte hartzea leporatzen die

Garzonek. Iturri judizialen arabera, ezkutuko kontuen inguruan informazio gehiago eman zion atzo bertan Espainiako Bankuan epaileari, BBVAri irekitako txostenean jasotako informazioa, hain zuzen ere.

Gurpide, Eulate eta Saenz Azcunagaren deklarazioak bertan behera gelditu arren, Garzonek deitutako gainerako lekukoek gaur deklaratu dute epailearen aurrean. BBVko sei kontseilari ohi izango dira epaitegian: Angel Korkostegi, Jose Luis Segimon Escobedo, Angel Galindez, Jose Luis Fernandez, Enrique Sendagorta eta Jose Luis Nagore. Epaitegietaiko iturrien arabera, lekuko gisa deklaratu dute «baldin eta atzo igorritako zerrenda horretan agertzen ez badira».

**PPk herri akzio bezala hartu nahi du parte kasuan**

BBVAren kasuan, herri akzio bezala parte hartu nahi duela esan dio PP alderdiak Garzoni, «kasu horretako gertaerek instituzio publikoen gaineko konfiantza kolokan jar dezaketelako». Horrez gain, BBVAri lotutako bederatzi erakunderen aurka kereilatatu da PP, besteak beste BBVA Privanza Jersey eta BBV International Investment Corporation-en kontra.

HIZLARIAK:

**Mario I. Blejer dok.**  
Argentinako  
Errepublikako Banku  
Zentraleko presidentea

**Guillermo A. Calvo dok.**  
Banco Interamericano  
de Desarrollo-ko (BID)  
ekonomista burua

**Agustin Carstens dok.**  
Mexikoko Ogasun eta  
Kreditu Publikoko  
idazkariordea

## AEBetako ekonomia-aren hazkunde aukerak eta Latinoamerikako egoeraren eboluzioa.

## Haien eragina nazioarteko ekonomian eta Europako Batasunean

Enpresa Topaketa  
Elkargi E.G.E.ko bazkideen batzar nagusia

**KURSAAL JAUREGIA**  
**Donostia**  
**2002ko maiatzaren 27a**  
**12:00ak**

Sociedad  
de Garantía  
Recíproca  
Elkarrekiko  
Garantía  
Elkartea

# ELKARGI

Sarrera gonbidapenarekin; leku hauetan eska daiteke:

EGOITZA NAGUSIA  
Tel.: 943 30 90 60  
Faxa: 943 30 91 90

Elkargi ARABA  
Tel.: 945 23 12 12  
Faxa: 945 14 41 83

Elkargi BIZKAIA  
Tel.: 944 23 82 28  
Faxa: 944 23 66 83

Elkargi GIPUZKOA  
Tel.: 943 30 91 77  
Faxa: 943 30 91 78

Elkargi NAFARROA  
Tel.: 948 22 70 22  
Faxa: 948 22 41 42

Elkargi ERRIOKA  
Tel.: 941 24 22 32  
Faxa: 941 24 28 22